

Waldfrieden

Ludwig Thoma

PROPERTY OF
*University of
Michigan
Libraries*

1817



ARTES SCIENTIA VERITAS



Waldfrieden

Lustspiel

in einem Aufzug

von

Ludwig Thoma



Verlag Albert Langen München

9. 0.

Waldfrieden

Übersetzungs- und Aufführungsrecht vorbehalten.
Nachdruck verboten. Den Bühnen und Vereinen
gegenüber Manuskript. Das Aufführungsrecht ist
ausschließlich zu erwerben durch Albert Langen,
Bühnenvertrieb, München, Hubertusstraße 27.

Ludwig Thoma
Waldfrieden

Lustspiel
in einem Aufzuge



Albert Langen, München

838
T45 wa

Copyright 1916 by Albert Langen, Munich

Personen

Faver Schanderl, Privatter

Korbinian Huber, Baumeister

Sepp, Jäger bei Schanderl

Wally, Schwester von Sepp, Köchin im Jagdhaufe

Das Stück spielt im Jagdhaufe des Herrn Schanderl in
der Nähe Münchens.

Zeit: Gegenwart

Erste Szene

Gemütliche Stube. Getäfelt. Jagdtrophäen an den Wänden, Bilder. Auch einige Tafeln mit Inschriften wie diese: „A Bierl und mei Ruah, da brauch i nix dazua.“ „Mein Ruah will i hamn.“ „Bei mir is grüab.“ Ofenbank. Tisch. Stühle usw.

Schanderl

ein behäbiger Münchner in den Bierziggern, mit gerötetem Gesichte, lebhaft und beweglich. Er ruft:

Sepp!

Der Jäger kommt herein. Großer hagerer Mensch mit Vollbart. Gewöhnliches Gesicht, listige Augen, die seine stark zur Schau getragene Unterwürfigkeit Lügen strafen.

Sepp

Was wünschst da gnä Herr?

Schanderl

Also paß auf: da Ding kimmt heut, da Huaba Korbi . . .

Sepp

Da Herr . . .

Schanderl

Da Herr Baumoasta, jawoi. Und weil's heut

das erstemal is, vastehst . . . seit meina Vermählung, also, weil ma da wieda z'sammkemma . . . vastehst . . . will i a bissel was arraschiern . . .

Sepp

I vasteh an gnä Herrn scho. I soll also . . .

Schanderl

A Fassel Bier sollst herbrunga . . .

Sepp wiederholt

A Fassel Bier mit a so a fufzeh, zwanz'g Lita . . .

Schanderl

Und d' Wally soll was aufkocha . . . a paar Sendeln . . . hamm ma kvan Fisch?

Sepp überlegend

Jo . . . an Hecht'n, moan i, kunnt ma hamm.

Schanderl eifrig

Also, den soll d' Wally siad'n, vastehst, blau, und nacha a paar Göckerln, vastehst, und nacha an Kaisaschmarrn und zu de Göckerl, daß i net vagiß, an Kartofflsalat, vastehst?

Sepp

I vasteh an gnä Herrn scho . . .

Schanderl

Also g'erscht amal 's Fassel Bier.

Sepp

Mit a zwanz'g, a fünfzwanz'g Lita.

Schanderl

Dös holst glei . . . Patscht in die Hände. Herrgott, dös werd heut grüabi, ganz a so wie fröher . . .

Sepp

mit einem tiefen Seufzer

In der guat'n alten Zeit . . .

Schanderl

seufzt tiefsinnig

Ja . . . ja . . . Wieder lebhaft Also . . . und der Wally sagt, de Göklerln müass'n brau' sei . . . sie woas scho . . .

Sepp

Zawoi, gnä Herr. Also z'erscht amal 's Faßl Bier . . .

Schanderl

Und 's Ess'n o'schaffa . . .

Sepp

Was i sag'n will, na gengan da gnä Herr net auf d' Pürsch?

Schanderl

Na! Heut werd g'suffa . . . Reibt sich die Hände. Herrgott, dös werd amal grüabi!

Sepp

I frag bloß, weil in da Schmelz der guate
Sechfabock stand . . . ?

Schanderl

Soll a steh! Heut hat a sein Ruah . . . und
i de mei . . .

Sepp zögernd

Abä . . . der Bock is halt a weng nah bei
da Grenz?

Schanderl

Mögst 'n du schiaß'n, gel? Abä da werd nig
drauß!

Sepp

Natürli is schöna, wenn da gnä Herr selm
den Bock friagt, abä . . .

Schanderl

Nig abä! I schiaß 'n und gar is. Jetzt mach
amal, daß de G'schicht arraschiert werd!

Sepp

Jawoi, gnä Herr. Er geht zur Türe, dreht sich
nochmal um. Soll i auf d' Bahn geh oda . . .

Schanderl

sieht auf die Uhr.

Ah was, Bahn! Der Zug muas scho da sei . . .
abä der Wally sagst, daß s' für'n Herrn Bau-

moasta 's Zimma herricht' . . . dös neben meina
. . . was a halt früher allaweil g'habt hat.

Sepp seufzend

In der guat'n alt'n Zeit . . .

Schanderl

Jetzt druck di mit deina alt'n Zeit . . . mach'
amal! Rühr di . . .!

Sepp eilig

Jawoi, gnä Herr! Ab.

Zweite Szene

Schanderl

sieht ihm tiefsinnig nach.

M . . . hm . . . ja . . . ja . . . de Leut hamm
natürli aa den Inschtinkt . . . daß . . . m . . .
hm . . . no ja natürli! Seufzt De guate, alte
Zeit! Wo's no grüabi war . . . m . . . hm . . .
ja . . . ja. Er ist ein paar Schritte auf und ab gegang-
en und bleibt jetzt vor einer Tafel stehen. Er liest den
Spruch laut vor sich hin. A Bierl . . . und mei
Ruah . . . da brauch i nix dazua . . . Seufzt . . .
Ah ja . . . hätt aa nix braucht dazua . . . o i
Kindviech, i saudumms! Es klopft. Herein!

Schanderl

kneift sie in die Wange.

Moanst, i hab's vageß'n? Dringlicher Moanst?
Legt den Arm um ihre Hüfte

Wally

windet sich los, aber dießmal langsamer.

Es scheint scho. Und ... no ja ... in gewisse
Umständ muas ma natürli vageß'n ...

Schanderl loslassend

Ja ... ja ... also ... daß i's nomal sag ...
an Hecht blau ... und net vafiad'n ...

Wally

ein bißchen beleidigt

I hab, scheint's ma, no kvan vafott'n.

Schanderl

Grüß net. I sag bloß, so wia allaweil.

Wally

Kummt da Herr Baumoasta? Net wahr?

Schanderl

Da Korbi, ja.

Wally seufzt

Den hamm da gnä Herr ... mit Betonung
auch auf d' Seit'n g'setzt g'habt ...

Schanderl

Auf d' Seit'n g'setzt!

Wally

O ja.

Schanderl

Ah! I hab halt . . . net wahr . . . es hat si
halt a so geb'n . . .

Wally

Freili. Im Glück der Liebe, da vergißt ma
auf dös, was früher war.

Schanderl

Gar nix hab i vageß'n . . .

Wally schelmisch

No?

Schanderl eifrig

Na! Gar nix. Aba natürli . . . was kannst
macha?

Wally

Wer A sagt . . .

Schanderl

räuspert sich

Dös is eigentli foa Dischfursi . . . na! Dös
is foa gmüatliche Dischfursi. Und schau, Waberl!
Zwick sie in die Wade. I bin do da raus femma,
damit daß i's wieda amal gmüatli hab.

Wally

droht ihm mit dem Finger.

Aba gnä Herr!

Schanderl

Was?

Wally

Sie red'n so, als wenn's — kleine Pause wo
anders net so gmüatli waar.

Schanderl

Da hab i nix g'sagt...

Wally

G'sagt net ... aba ...

Schanderl

Was aba?

Wally

No — — ja ...

Schanderl

Was aba?

Wally

Dös so ma net so sag'n. Dös g'spürt ma ...

Schanderl tieffinnig

Dös g'spürst du, daß i ...??

Wally nickt zustimmend mehrmals mit dem Kopfe.

Schanderl

Da san am End so Redereien im Gang? Aba
wenn i dös spann ...

Wally eifrig

Gwiß net, gnä Herr. So was trauet si do

unseroans net, und übahaupts, mir hammi do
de größt Freud g'habt . . . gwis is's wahr.

Schanderl

Üba was?

Wally

No ja . . . wie ma dös g'hört hammi . . . von
da Vermählung . . . vom gnä Herrn . . .

Schanderl trocken

So?

Wally gesprächig

Und oft hab i jun Sepp g'sagt, siehst, Sepp,
hab i g'sagt, jetzt hat er do endli sein verdien-
tes Glück g'fund'n, hab i g'sagt. So a guata
Herr, sag i, der muas do a liabs Weiberl . . .
entschuldigen gnä Herr . . . aber mir einfach'n
Leut red'n halt so . . . der muas do, sag i, a
liabs Weiberl find'n . . .

Schanderl trocken

Hast du g'sagt?

Wally

sehr treuherzig

Gwis is wahr. Und oft hab i's g'sagt.
Sepp, sag i, der Mo . . . entschuldigen gnä
Herr . . . der Mo, sag i, muas an Himmi auf
Erd'n hammi . . . oda es gibt foa Gerechtigkeit
nimma . . .

Thoma, Waldfrieden

2

Schanderl

tieffinnig und mit einem Seufzer

M—hm . . .

Wally

Uba natürli . . . wie da gnä Herr gar nimma
kumma is auf sei schöne Jagd, wo er do so gern
war, da macht ma si halt seine Gedank'n . . .

Schanderl

wie oben

M—hm . . .

Wally

Und wie da gnä Herr endlich da war'n . . .
da hat do unseroans auch g'merkt, daß der gnä
Herr sei alte Lustigkeit valorn hat . . . Und i
hab g'sagt, Sepp, sag i, da gnä Herr kimmt
ma ganz anderst vor. Der hat sei Gmütat nimma
. . . der is auf foa Weit'n mehr so fidel . . .

Schanderl

sieht Wally bedeutend an.

Bin i aa nimma . . . Da Wally ihn wehmütig an-
blickt . . . Na, bin i aa nimma . . .

Wally

voll Mitleid

O mei Faver!

Schanderl erschrocken

Wst! Was fällt da denn ei? Wenn dös wer
höret!

Wally

näher zu ihm

Es hört's neamd. Und i hab da 's amal
sag'n müaß'n, daß d' ma verbarmst, Faver . . .

Schanderl

Wst! Hör auf! Was fällt da denn ei? Resolut
Und dös is amal foa Dischkursi! Na, dös is
foana. I will mein Grüabig'n hamn da her-
auf'n! Is ma gnua, wenn i in da Schtadt . . .
Räuspert sich. Also da will i nix hör'n davo.

Wally

Es is ma halt so rauskemma, gnä Herr . . .

Schanderl

I woaß nix vo dem . . . gar nix . . . lusti will
i sei, vastehst . . . Kneist sie in die Wange. So, als
wia früher . . . du Mocklerl, du mollets! Legt den
Arm um ihre Hüfte.

Wally

macht sich wieder rasch los.

Wst! Gnä Herr, dös derf nacha aa net sei!

Schanderl

Natürli net . . . Dös san bloß Erinnerunga
im Nebel der Vergangenheit . . . Ernst also gel,
an Hecht blau und de Göckerln . . . recht safti!
Vastehst mi scho . . .

2*

Wally

Is scho recht, gnä Herr . . . und 's Zimmer
für'n Herrn Baumoasta richt i aa her. Wendet
sich zum Gehen.

Schanderl

Nicht'st aa her, jawoi.

Wally knigt

Adjä, gnä Herr . . .

Schanderl

sehr freundlich

Bfüat di Good . . . du Gschmacherl, du
guats . . .

Wally

unter der Türe mit einem verliebten Blick
Bfüad di Good . . . Kaver! Ab

Vierte Szene

Schanderl

blickt ihr tiefsinnig nach.

Ja . . . ja . . . o du schöne, alte Zeit . . . sei
Ruah . . . und so was Dantschig's daneb'n . . .
und koan Zwang . . . und koa . . . Vapflichtung
und koan Badruß und koane Launen seufzt tief auf
a . . . ja! Trällert Du schöne Zeit . . . wie
liegst du weit! Ist auf und ab gegangen und bleibt
vor einer Tafel stehen. Er liest laut. „Bei mir is

grüabi!" . . . M . . . hm . . . ja woi . . . G'wese'n,
muafß 's jekt hoafß'n . . . o ich Kindvieh . . .
ich vernagelt's! Man hört Stimmen vor der Türe.
Huber ruft: „Wo is er denn, der Habernstrick?"
Die Türe wird stürmisch geöffnet, und herein tritt Bau-
meister Huber, im Jagdkostüm mit Rucksack und Flinte,
und eilt auf Schanderl zu.

Fünfte Szene

Huber

No endli! Da bist ja wieda . . . Bazi — auß-
g'schamta!

Schanderl freudig

Da Korbi!

Sie schütteln sich die Hände.

Huber

Laß di no grad o'schaug'n! I kenn di schier
nimma, du Bagabund! No ja . . . 's Köpfi is
no o'graucht. Schaut ihn prüfend an. Bauch is aa
no da . . . aba so a falsche Nobleß, moan i,
hast da'r o'gschafft . . .

Schanderl

Ja freili . . . Jekt tua dein Rucksack oba und
d' Büchß . . . und hock di auf dein alt'n Platz,
auf d' Ofenbank.

Huber

hat Büchse und Rucksack an einen Gewehrrahmen gehängt.

Alt'n Plaz! Da derfst wos sag'n, von mein alt'n Plaz . . . Vorwurfsvoll A ganz Jahr hab i nimma vor deinem Antlitz erscheina derf'n! A ganz Jahr!

Schanderl

Ja mei! Woast scho, wia's geht.

Huber

Wos geht? Mir geht! Is dös aa no a Freundschaft? Z'erscht da Schpezl hi und da Schpezl her, und auf oamal is wia o'gschnitten . . .

Schanderl

Hock di hi, sag' i, alter Grandlhauer, und freu di, daß d' da bist!

Huber

setzt sich auf die Ofenbank.

Woast net, ob ma si da grad so freu'n soll . . . a ganzes Jahr!

Schanderl

Dafür werd's heut zünfti, alter Schpezl! Setzt sich neben ihn.

Huber

So? Bin i wieda Schpezl? In Gnad'n aufgnumma?

Schanderl

Bist ja no nia entlass'n g'wen!

Huber

Net? Bia hoast ma nacha dös, wenn ma'r
an Freund nimma kennt? A ganzes Jahr?

Schanderl

Jessas na! Du bist aba scho a nissigs Luadal
Net auslass'n, oiwei wieda von vorn ofanga.
Patscht ihm kräftig aufs Knie. Geh zua, sei g'müatli,
wia's da's früher g'wen bist!

Huber brummig

M—hm . . . früher . . .

Schanderl

Woast a's no, wia selbigemal d' Fernbacher
Zenzl da war und da Hierlinger Toni, und wia
ma de Bowle er spricht Bow—le braut hamn?

Huber

Net wer i's wiss'n!

Schanderl

Und wia da Hierlinger mit sein Wurf vor
d' Haustür auffigfall'n is mit'n Kopf voro in
an Loambag'n?

Huber

Net wer i's wiss'n!

Schanderl

Und wia ins d' Fernbacha Zenzl an Pariser
Kang—Kang vortanzt hat, und mit'n Hagn hat
f' dir an Huat oba g'haut . . .

Huber

Net wer i's wiss'n . . .

Schanderl

O mei Mensch! War's da oft zünsti! Luada
war'n ma scho, daß 's koane größern net gibt.
Patscht ihm aufs Knie. Jetzt lach do amal!

Huber grantig

Ich lach ja so.

Schanderl

Und des sell Pifnik mit de drei Gschoserln,
und da Ding war dabei, da Söllhuaba Beni,
Herrschaftseit'n, es war scho a Leb'n! . . .

Huber

Jetzt sag ma no grad amal dös! Also wia's
d' ma du de Anzeig g'schickt hast von deina
Bermählung . . .

Schanderl nervös

Jeffas na!

Huber

No staad, Manndl. Also wia's d' ma du de
Anzeig g'schickt hast, warum is denn da gar nix
erfolgt von einer Einladung?

Schanderl

Jetzt fangt a mit dem alt'n Kas o!

Huber

Dös tat mi do scho interessier'n, warum i da
so auf d' Seit'n g'schob'n wor'n bi.

Schanderl unbehaglich

Geh! Geh! Uiberhaupt's hab i neamd ei's
g'lad'n, weil die Sache im stillen vor sich
ganga is, net?

Huber

So? Aba de Großkopfet'n und de G'wappelt'n,
de dabei war'n? Moanst, i woas net?

Schanderl

A paar engere Freunde . . .

Huber

Aha! I g'hör zu de weitem?

Schanderl

Von ihr. Engere Freunde von ihr . . .

Huber

Von der hohen Gemahlin! Mit de Dein hast
d' net aufwart'n derfa?

Schanderl begütigend

Geh, Korbi, laß da was sag'n . . .

Huber

Nix laß a ma sag'n. De G'schicht muas
ausg'redt wer'n, sunst bleibt was hint'n . . .
Schanderl seufzt und verzieht sein Gesicht. Jawoi, Laver,

mi hat's aa net g'freut. Siehgst, wia's d' mi
z'ruckg'setzt host . . .

Schanderl

Z'ruckg'setzt!

Huber

Jawoi! Verleugnet! Aba siehgst, döss hätt
i verwund'n. I hab ma halt denkt, o mei! Da
Kaver is allaweil schwach g'wen . . . und die
hohe Gemahlin werd a scharf's Beto ei'glegt
hamm . . . aba daß d' danach nix, aber aa gar
nix hast hör'n lass'n, siehgst, döss war . . . döss
war scho a bissel gar z' schwach . . .

Schanderl

Korbi, jetzt hab i mi so auf di g'freut, und
hab ma denkt, mir lass'n de schöne, alte Zeit
gewissermaß'n lebendi wer'n . . . dawei! Woast
d' wirkli nix anders, als daß d' ma da an Krach
hermachst?

Huber

Döss is fva Krach.

Schanderl

Net?

Huber

Na! Döss is die Stimme der Freundschaft,
de wo jun Ausbruch kimmt.

Schanderl

Geh, hör auf!

Huber

Is ja wahr! Was hat denn da d' Freundschaft überhaupts für an Wert, wenn . . . Draußen wird das Bierfaß angezapft. Man hört deutlich die Schläge.

Schanderl

Da horch! Des san Tön! De san ma liaba, als wia dei Schmarrn da . . .

Huber

lächelt versöhnlich.

I hör's aa gern, de Tön . . . aba, Kaver, dös konn i dir net schenk'n . . . de Sach muasß ausg'redt wer'n.

Schanderl

Hör auf, sag i . . . Da schau hi . . . Sepp kommt mit zwei schäumenden Maßkrügen herein Dös is des wahre!

Sepp stellt die beiden Maßkrüge auf den Ofentisch.

Sechste Szene

Sepp

's Wohlsei de Herrn!

Huber

Dank schö!

Schanderl

schaut Sepp mißtrauisch an.

Du, gel? Dös bitt i mir aus, mehra wie
dös halbe Faßl derfst net ausschlecka . . .

Sepp

Ja, was glaub'n da gnä Herr?

Schanderl

Dös glaab i, daß d' scho a Maß wenigstens
g'schluckt host.

Sepp

Net an Tropfa, auf Ehr und . . .

Schanderl

Hängt da ja der Schaum no am Schnurrbart.

Sepp

sich hastig abwischend

Bloß an Faam abblos'n . . .

Schanderl

Is scho recht. Aba blas ma net z'vui! Bitt
i mir aus.

Sepp

Obiß net, gnä Herr . . . da gibt's bei mir
durchaus gar nix . . . Ab

Siebente Szene

Schanderl

hebt seinen Maßkrug hin, um mit Huber anzustoßen.

Jega, alta Schpezi und Grantlhauer . . . san
ma's wieda?

Huber anstoßend

Sam ma's!

Beide trinken in tiefen Zügen.

Schanderl

Ah! Dös is a Bierl! Der erste Schluck im
gmüatlich'n Hoam . . .

Huber

Oho! Hast du a Bierverbot?

Schanderl

Na, Bier hab i scho . . . aba . . .

Huber

Mit da Gmüatlikeit werd's was hamn?

Schanderl

Red'n ma net davo!

Huber

O mei Mensch, du g'hörst aa zu dena, de net
g'wißt hamn, wia schö's as g'habt hamn.

Schanderl

Dös woäß i scho.

Huber

Scheint's net, sunst waarst ledi blieb'n.

Schanderl

Grad desweg'n woasß i's ja . . . wia schö,
daß i's g'habt hab . . . Habe . . . vastehst?

Huber

Ja . . . ja. Eigentli funnst d' oan dabarma.

Schanderl

Oho . . . ho . . . ho! Gar so g'feit is na do
net. I muaß meina Gemahlin de Ehr lass'n,
sie hat ihre Vorzüg. Na, na, mei Liaba da
muaßt d' nix glaab'n!

Huber

I glaab eh nix.

Schanderl

Vor all'm is sie sehr gebildet. De spricht
fließend französisch und spuit anerkannt guat
Klavier.

Huber trocken

So? No also!

Schanderl

Sie is aus den feinsten Kreisen, und da der-
fast weit geh, bis d' wieda oane find'st, de wo
. . . vastehst . . .

Huber trocken

So fließend französisch redt.

Schanderl

Alladings. Dös is wahr, mei Liaba, da der-
fast weit suacha.

Huber

immer im gleichen Ton

I suach net.

Schanderl

Na . . . Korbi . . . aba daß ma 's Trink'n
net vageß'n! Sollst leb'n, alte Gamshaut!

Huber

Dei Wohl!

Beide trinken.

Schanderl

Siehgst, i sag's oft, 's Lustigsei is was wert,
und 's guate Leb'n, aba . . . d' Buidung, woast
a richtige Buidung, de hat scho aa ihre Vorzüg.

Huber

Freili.

Schanderl

In seina Jugend natürli denkt da Mensch
net auf dös, bal ma älter werd, tracht' ma besser.

Huber

Und auf oamal hat ma's.

Schanderl mißtrauisch

Was hat ma?

Huber

De Buidung.

Schanderl mißtrauisch

Du!



Huber

Oder vane, de wo oan de Buidung beibringt . . .

Schanderl

Dableckä sollst du mi net, Korbi!

Huber

I dableck di net . . . du hast ma's selm g'sagt,
daß deine Gemahlin . . .

Schanderl

Aus de feinst'n Kreis is. Und dös is aa wahr.

Huber

Also! Was jammerst denn nacha?

Schanderl

I jammer ja net . . .

Huber

Net? Na hat's mi täuscht.

Schanderl

I hab koan Grund 'zu'n jammern . . . mei
Liaba!

Huber

Siehst, dös freut mi.

Schanderl

rückt näher.

Korbi, schau, du bist mei besta Freund . . .

Huber

Jega wieder?

Schanderl

Geh, fang net vo dem wieda o!

Huber

Es vagist si net so leicht. Wenn ma'r van
a ganzes Jahr auf d' Seit'n schiabt.

Schanderl

Dös hab i net. Na! I hab oft an di denkt,
aba . . . natürli, lauter neu's und lauter un-
g'wohnt's, und da fo ma net allawei, wie ma
möcht. Ueberhaupt's, de fad'n G'schicht'n funnt
ma jekt amal begrab'n.

Huber

Begrab'n ma's! Stößt mit ihm an. Beide trinken.

Schanderl ruft

Sepp!

Sepp schaut zur Türe herein.

Schanderl kurz

Ei'schenka!

Sepp

geht an den Tisch und nimmt die Maßkrüge.
Jarvoi, gnä Herr. Ab.

Schanderl

Also schau, Korbi, du bist mei besta Freund,
und mit dir fon i anderst red'n, und dir fon
i mehra sag'n . . . net?

Thoma, Waldfrieden

Huber

Allerdings . . .

Schanderl

Du kennst aa mi, net wahr? Und woast aa,
wia'r i g'lebt hab, und kennst mein Charakta und
überhaupt's . . . net wahr?

Huber

Allerdings . . .

Schanderl

Desweg'n red' i aa mit dir über de Sach und
sag dir, was i sunst foan sag. Dös derfst ma
glaab'n, daß i no foa Sterbenswörtl außalass'n
hab über dös . . .

Huber

Bo deine Gemahlin?

Schanderl

Bst!

Sepp kommt mit den frisch gefüllten Maßkrügen, die er
auf den Tisch stellt.

Sepp

's Wohlsei, de Herrn!

Huber

Dank schö!

Schanderl

Is no a Bier drin im Faßl?

Sepp

Ja, was moana da gnä Herr? Waar scho
recht . . . ja so was! Ab.

Schanderl

Trink ma z'erscht! Geh her, alta Freund, und
foan Zweifl gibt's nimma! Gel?

Huber

Jega nimma.

Stoßen an und trinken.

Schanderl

Siehgst, Korbi, es is ja alles recht. Der oa
schaugt's so o, der ander schaugt's anderst o . . .
und a jeda muas sei Packl trag'n.

Huber

Des, wo er si selber aufladt.

Schanderl trübsinnig

Aufladt . . . jawoi . . . des wo si der Mensch
aufladt. M—hm—ja—ja . . . Schau, Korbi, i
hab vui über dös nachdenkt, und jega woas i's
guat. I bin scho z' alt g'wen . . . für dös . . .

Huber

Für de Buidung?

Schanderl

lächelt schmerzlich.

Für's Heirat'n. Woast, dös braucht g'wöhna,
und zu dera G'wohnheit derfst foan anderne

3*

G'wohnheit hamm, und bal ma ältä is, hat ma halt vui G'wohnheit'n, de wo net pass'n zu dem G'wöhna. Dös is des ganze Geheimnis der Ehe. Vastehst?

Huber

I vasteh di guat.

Schanderl

Bal ma lang nachsinniert, da kimmt oan de Einsicht, Korbi. A junga Mensch, siehgst, der g'wöhnt si was o und g'wöhnt si was ab, aba an älterer Mensch, der g'wöhnt si nix ab und g'wöhnt si nix o. Und d' Frauenzimma, Korbi, des laß da sag'n, de brauch'n g'wöhna und verlangen 's G'wöhna. Jetzt woast all's.

Huber

Jetzt woast i all's.

Schanderl

Trink ma'r amal!

Huber

Trink ma!

Stoßen an und trinken.

Schanderl seufzt

Ja, mei Mensch, zwoamal sollt' ma'r all's macha derfa!

Huber

I moan allaweil, es is dir oa mal scho z'vui.

Schanderl hitig
I macher's ja nimma! Jessas! Frei wenn
i waar — ah!

Huber
Hättst mi g'fragt, i hätt da's glei g'sagt.

Schanderl
Was hättst ma du g'sagt?

Huber
Daß dös nix is für di.

Schanderl
Dös is de G'scheithheit hinta drei; für de
friagt ma nix.

Huber
I hätt da's davor umasunst geb'n.

Schanderl
etwas ärgerlich
Na, na! Woast, gar so oafach war und is
de G'schicht net, daß ma sagt, hätt'st da's net
to, i hätt da's glei sag'n kinna. Na, na! So
oafach is dös net!

Huber abweisend
Geh!

Schanderl
kommt etwas in Hitze
Was woast denn du eigentli davo? Gar nix
woast!

Huber

Dös woasß i — — —

Schanderl

unterbricht ihn

Nix woasßt! Unseroana kimmt da auf oamal
in d' Hott wollä eini, in ganz anderne Kreise,
in feine Kreise, des konn a da sag'n und siecht
da an ganz andern Furm, wia's halt is bei da
Hott wollä, lauta Feinheit und ah... überhaupts
... net ... a Buidung ... no ja, daß oan
des g'fallt, dös is foa Wunda ...

Huber ironisch

No freili! Du hast halt de Neigung für d'
Feinheit, die Gabe ...

Schanderl geschmeichelt

A Schwäche dafür hon i allaweil g'habt.

Huber

Und da laßt ma si leicht o'bleameln.

Schanderl hitzig

Nix o'bleamelt! De Buidung is vorhand'n.
Da gibt's nix.

Huber

Abba ...

Schanderl

unterbricht ihn

De is vorhand'n, sag i. Brauchst di bloß er-

fundig'n, dös werd dir a jeda konschtatiern.
Meine Gemahlin hat eine erschtklassige Buidung.

Huber trocken

So?

Schanderl

Jowoi, des hamm sogar hervorragende Professa konschtatiert. Sie spricht fließend Französisch und schpuit anerkannt guat Klavier.

Huber

Also, was jammerst denn nacha?

Schanderl

I jammer do net!

Huber

Nacha vastenga mir anand nimma. Allerdings, bal ma si jahrelang nimma fiedt . . .

Schanderl

wieder gemütlisch

Laß guat sei, Korbi! Bo dem werd nig mehr g'redt. Dös schwoab'n ma abi. Hält seinen Krug zum Anstoßen hin.

Huber

stößt an.

Also, — na schwoab'n ma's abi!

Sie trinken.

Schanderl vertraulich

Woast, Korbi, daß d' mi recht vastehst, jam-

mern tua i net, aba als mein best'n Freund
vertrau i dir meine geheimst'n Gedank'n an . . .

Huber

Ah so moanst?

Schanderl

Freili! Und der geheimste Gedanke is, va-
stehst mi scho, bal i de Dummheit no net g'macht
hätt', machet i s' nimma . . .

Huber

Dummheit — sagst d'?

Schanderl

Oda Unüberlegtheit . . . denn woast, Korbi
er bricht los . . . woast, so an überspannte Ziefern,
so a launische, so a herrische . . . so a varruckte
Bisgurn . . . ah Freund, de fo da 's Leb'n ver-
leid'n . . . ah!

Huber

Hat s' di beim Wickel . . . han?

Schanderl

Ah! I sag da, so was unguats! Grad
benz'n und foa Freud net lass'n und foa Ruah
. . . ah! Will i amal ausgeh, is da Krach scho
firti, will i an Freund bei mir seh'n, is 's
no irga . . .

Huber

Ahan!

Schanderl

ist im Eifer und hört nicht auf Huber.

All's muaß nach ihr geh! De fad'n Hans-
wurscht'n, woast, mit lange Haar, d' Schlawina,
das Künstlervölkchen, vastehst, d' Schreibag'sell'n,
de hamm's bei ihr schö, und i muaß dabei hoch'n
und Buckerl macha und muaß s' bewundern,
vastehst, wenn s' g'scheit red'n mit ihr und d'
Aug'ndeckel auf und o ziahg'n wie d' Uhu . . .
Ah! ah!

Huber

belustigt, doch äußerlich ernst

Schwoab'n ma's abi! Er stößt mit ihm an. Beide
trinken aus.

Schanderl ruft

Sepp! . . . Zu Huber Ja, mei Mensch! Grad
no oa mal, wann i's z' toa hätt' . . .
Sepp kommt, geht an den Tisch und holt die leeren Krüge.

Schanderl

faßt nach der Hand Hubers und drückt sie.

Siehgst, du bist mei Jugendfreund, und dir
sag' i all's. Oft, derfst ma's glaab'n, oft denk
i nach, ob i's net o'bringa kunnt. Aba des is
schwara, wie's friag'n. Sollt'st grob sei, denk
a ma, oda glei gar brutal, dös vertragenet s' net
. . . aba . . . siehgst, Korbi, wenn ma ins aa
ordinär hoast, de richtige Grobheit, des Gmüats-

lose . . . des bringa mir net firti. Des finna
de feina Leut beßa, de wo de große Buidung
hamm, de wo . . .

Huber

Fließend Französisch red'n . . .

Schanderl

Ja . . .

Huber

D' Hott wollä . . .

Schanderl

Ja, und de zarte, weibliche Natur, de hat dös
heraus, wia ma'r an Mensch'n seziert, mit da
Feinheit seziert . . . vastehst . . . Er räuspert sich,
da Sepp eintritt und die vollen Krüge auf den Tisch stellt.

Schanderl

Ja . . . ja . . . alta Freund, so geht's auf
dera Welt! Trink ma'r amal!

Huber

Sollst leb'n, arma Schwammerling!

Sepp ab.

Schanderl

macht einen tiefen Zug.

Dös richtige Leut'schind'n, mit an jed'n Wort
oan auf d' Zecha tret'n, des muuß angeboren
sei, vastehst, des finna mir net, und bal ma'r
uns aa jed'n Tag zwanz'gmal ordinär hoast . . .

Huber

Hoast ma di?

Schanderl

Mi und all's, was zu mir g'hört oda g'hört
hat, vastehst . . . Meine G'wohnheit'n, mei Ver-
gangenheit, meine Freind . . . all's is ordinär . . .

Huber

Ahan!

Schanderl

Du aa, Korbi!

Huber

Last si denk'n . . .

Schanderl

Du bist überhaupts da Abschaum der Mensch-
heit, du bist da personifizierte, ordinäre Bier-
philisttra . . . dein Name derf überhaupts nicht
genannt wer'n, und dabei kennt s' di no net amal!

Huber

Gott sei Dank!

Schanderl

Aba du bist scho als unbekannt des Ordinärste,
was überhaupts gibt . . .

Huber

der schon ärgerlich war, zornig

Also gel, für döss bin i net herganga . . .

Schanderl

merkt überrascht, daß Huber erzürnt ist.

Sagt sie, net i . . .

Huber

Macht's enlere Bemerkunga über ander Leut!

Schanderl

Was hast denn? Sie sagt's als unbekannt
— net . . .

Huber

I mag scho gar net bekannt sei . . . mit . . .
so . . . Verschluckt eine Grobheit . . . ah!

Schanderl

Geh, Korbi! Sei so guat und z'friag di no
mit mir! San denn mir net alte Freund?

Huber mürrisch

M—hm—ja!

Schanderl

Geh was! Da stöß o, alte Hütt'n!
Huber stößt an, aber sehr flüchtig und so, daß man seine
Verstimmung merkt. Beide trinken.

Schanderl

Schau, grad, weil's d' mei Schpezl bist, sag
i dir all's mit da größt'n Aufrichtigkeit.

Huber

Also . . . na muas i aa aufrichti sei, net?

Schanderl lärmend
Freili! Natürli!

Huber

Und weil du net jammerst und aa foan Grund
host zun jammern, sondern weil du bloß dein
Geheimnis anvertraust, muas i dir aa was
anvertrau'n.

Schanderl

Han?

Huber

Anvertrauen! Bastehst! Daß dös übahaupts
foa Geheimnis net is, daß du a Ladiel bist,
a trauriga, der wo si all's g'fall'n laßt, wo seine
Freund nimma kennt hot und d' Nas'n aufzog'n
hot, weil s' 'n an da Buidung hamm schmecka
loss'n . . .

Schanderl bestürzt

Ja, Korbi, wia kimmst ma denn du . . .?

Huber

Des sag'n de andern, net i . . . des sag'n de
Bekannt'n, net de Unbekannt'n.

Schanderl

Jetzt hab a ma denkt, i will mir den schönst'n
Tag auftoa mit mein best'n Freund, und dawei . . .!

Huber

Na muasst oan aa net beleidigen!

Schanderl

Ja, wer redt denn von mir? I beleidig di
do net . . . i red do von ihr . . .

Huber

Und i vo de andern . . .

Schanderl

Ah was, Korbi! San ma g'müatli! Wer
woaß, wann i 's wieda sei fo . . . und grad vo
dir waar's ma arg . . . da . . . stoß' o!

Huber versöhnt

No also . . .

Schanderl

Schwoab'n ma 's abi?

Huber

Schwoab'n ma 's abi.

Stoßen an und trinken.

Achte Szene

Sepp

stürzt herein und ruft

A Wag'n kimmt . . . gnä Herr . . . a Wag'n . . .

Schanderl

Han?

Sepp
A Wag'n kimmt . . . A Weibsbild hocht drin
. . . mit an Trumm Federnhuat . . .

Schanderl vernichtet
Aurweh! Dös is sie!

Huber fragend
Sie?

Schanderl
nist gebrochen.
Meine — Gemahlin . . .

Sepp
D' Frau Gemahlin vom gnä Herrn? Ja
. . . da müaß ma naus! Der Wag'n werd glei
do sei . . .

Huber
der sieht, daß Schanderl fassungslös is
Natürli gehst naus! Machst bei Revarenz,
nimmst 's Gepäck, führst da s' rei, wia ma 's
halt macht . . .

Sepp
Jarvoi, und d' Wally muuß aa naus . . .

Huber
Natürli . . .

Sepp
Gnä Herr . . .

Huber
Jetzt mach zua . . .

Man hört Peitschenknallen. Sepp eilig hinaus.

Neunte Szene

Huber

Herrgott, host da Kerl do wia'r a Hauf'n
Elend! Wos hast denn du z' scheucha?

Schanderl

Du host leicht red'n . . .

Huber

I möcht scho wiss'n, was dir g'schehg'n fo
. . . Jetzt sollt'st amal zoag'n, daß d' no a bissel
a Mannsbild bist und a Schneid host . . .

Schanderl

Schneid sagst d'?

Huber

Wenn ma scho vo Schneid red'n mag! Was
is denn nacha? Sie is halt do, und du bist do,
und i bin do . . . wos feit denn do?

Schanderl

sich aufraffend

Eigentli is 's wahr!

Man hört eine lebhafte Stimme außen, Koffer am Boden
schleifen, Leute Treppen auf und ab laufen, viel Spektakel.

Schanderl

Was is denn aa dabei? Mir san ganz oafach
do. Dös is zun lacha! Dös is mei alt's Jagd-
haus, und du bist mei alta Jagdspezl . . . und

warum soll'n denn mir net do sei? Was is
denn da dabei?

Huber aufmunternd

Es is halt wia anderstwu aa.

Schanderl

Freili. A jeda Mensch friagt amal an Bsuach,
und a jeda Mensch hat seine Bekannt'n . . . es
müass'n net lauta Schlawina sei und Schreiba-
g'sell'n . . . dös is zum Lacha . . .

Huber

Irga g'fallst ma besa . . .

Schanderl

Übahaupts . . . in an Jagdhaus hat ma Jagd-
gäst . . . dös is amal so . . . Warum soll denn
i toa hamn? Dös waar zum Lacha!

Huber

Und de Freund fönna am End no konfurriern
mit de zuagroast'n Schlawina, de wo bei da
gnädig'n Frau Gemahlin vafehr'n . . .

Schanderl echot

De fönna no konfurrier'n . . .

Huber

Dös san Münchna Bürga und g'schtand'ne
Leut . . .

Schanderl

Jawoi. Und übahaupts hab i gar net wiss'n
Thoma, Waldfrieden

finna, daß sie auf oamal daher kimmt. Wenn
ma wohi kimmt, wo a G'sellschaft is, nacha muaß
ma de G'sellschaft ham. I ko do net schmecka,
daß sie daher kimmt. Dös is zum Lacha!

Wally stürzt herein.

Zehnte Szene

Wally

Da gnä Herr soll auf da Stell zu der gnä
Frau aufi femma.

Schanderl
wieder bestürzt

Was?

Wally wiederholt

Da gnä Herr soll auf da Stell . . .

Huber unterbricht

No . . . no . . . gar so pressiern werd dös
net . . .

Schanderl ängstlich

Dös is zum Lacha! Gar so pressiern werd
dös net . . .

Die elektrische Klingel schrillt zweimal heftig.

Wally

Es pressiert, scheint's, scho . . .

Huber

Sagst d', es is a B'suach da . . .

Schanderl

rafft sich wieder auf.

Jawoi! An schön Gruaß vom gnä Herrn,
und da gnä Herr hat an B'suach!

Wally zögert

Dös woaß die gnä Frau scho . . .

Die elektrische Klingel schrillt wieder. Diesmal dreimal.

Huber

kategorisch zu Wally

Tua dös, was dir o'g'schafft werd!

Schanderl

I hab an B'suach und bleib herunt. Dös
waar zum Lacha!

Wally

Wia da gnä Herr meinen . . . Geht zögernd ab
und wirft, unbemerkt von Huber, einen mitleidsvollen Blick
auf Schanderl.

Elfte Szene

Huber

der sich wieder an den Tisch gesetzt hat

Hoß di^zher, sag i . . . und laß d' Trentsch'n
net a so hänga. Jetzt werd's erscht zünfsti . . .

Schanderl

setzt sich scheu und widerstrebend.

Ja—ja . . .

4*

Huber

Und stöß amal o auf dein Mannesstolz! Auf
dein neubachana! Er hält ihm den Maßtrug hin, aber
Schanderl erwidert es nicht.

Schanderl

Trinka mag i nix mehr . . . mir is da Appe-
tit verganga . . . überhaupts . . .

Huber

A was! Erst recht trinkst, daß da d' Schneid
wachst . . .

Die Klingel schrillt dreimal.

Schanderl

ist zusammengefahren.

Da soll a G'müatlkeit net aufemma . . . Na,
Korbi, i mag nix mehr. Ubahaupts waar's
g'scheidta, mir tat'n de Maßfrüag weg . . .

Huber höhnlisch

Warum denn?

Schanderl

No ja . . . a g'wisse Rücksicht muas ma üab'n,
wenn ma'r aa sein Kopf aufsezt und . . .

Huber

Und de Maßfrüag bleib'n do. Herrgott, bist
da du a Lettfeig'n! Siehgst, i will da was
sag'n . . . Er sieht, daß Schanderl nicht auf ihn merkt,

sondern nervös nach der Türe hin horcht. Man hört eilige Schritte durch den Gang und über die Treppe. Auf mi paß auf!

Schanderl zusammenfahrend

Was moanst? Horcht. Hat's jetzt net . . .?

Huber.

Nix hat's. Laß da sag'n, Xaver, du bist heut am Wendepunkt. Gibst d' nach — na bist ver, für ewig. Gibst net nach, da funnt'st vielleicht no obenauf femma . . .

Schanderl

unbehaglich und nervös auf seinem Sessel rutschend
Geh! Du host leicht g'scheit sei.

Huber eindringlich

Schaug da do amal a Frauenzimma o! Was is denn dro an so an Weibets, daß ma si fürcht'n müast? Schaug da's amal g'nau o!

Die Glocke schrillt.

Schanderl

Du, paß auf! Tean ma d' Maßfrüag weg! Greift nach den Krügen, aber Huber reißt sie ihm weg. Dös hat koan Wert.

Huber

Da bleiben s'. De san de Sinnbildda von dein Mannesstolz. Jessas na! Mir sollt amal oane was sag'n, wenn i mit an Freund beinand

hoch . . . ah! Da waar's g'feit! Döös gab an Unglück!

Schanderl

immer nervöser

Geh, hör auf mit dem Schmarrn!

Huber

sich in Eifer redend

An Unglück gab's, sag i. An Ding nehmat i, an Wasservoama, an Maßtruag, an Schürhaftl, an . . . an . . . ja, was i halt in d' Hand friaget und her über de Bißgurn, über de miserablige. Was? saget i, du, an Freund von mir? Da host vane haut mit dem Maßtrug auf den Tisch und no vane, du Trankhasa, du ausg'schamta!

Die Klingel läutet heftig viermal.

Schanderl

fährt heftig zusammen; sehr nervös

Für de Spruch friagst gar nix!

Huber höhnisch

Net?

Schanderl

Na. Dö san billi. Heiret zersch, na werst as scho sehg'n.

Huber lärmend

Ja, waar i no verheiret! Ja, hätt i no dei Alte! De lasset i heut rum, wia'r an Kinihas'n

... Was? saget i ... an Handwurscht'n müascht
i dir abgeb'n, saget i, dir? saget i, du Stall-
latern, du schiaglate ... dir? saget i ... da!
haut wieder mit dem Maßtrug in den Tisch saget i,
hast oane, saget i ...

Es läutet viermal; Wally stürzt herein.

Zwölfte Szene

Wally

Da gnä Herr muaß auf da Stell zu da gnä
Frau nauf kumma ...

Huber brüllt

Net mög'n ma!

Wally

D' gnä Frau hat g'sagt, wenn da gnä Herr
net sofort kommt, fahrt d' gnä Frau weg ...

Huber

Ja, wenn s' no scho beim Teufi waar!

Schanderl

der gleich aufgestanden war; zu Huber

Tua di a bissel mäsig'n ... Zu Wally, die an
der Türe steht I kumm glei ... Gehen S' darwei
nauf!

Wally ab.

Dreizehnte Szene

Huber aufstehend

Du bleibst herunt. Schamst di denn gar net?

Schanderl

Vorläufig tua'r i, was i mog.

Huber

Was du magst? Je! Den schaug o! Derfst du überhaupts mög'n?

Schanderl

macht einen Schritt zur Türe.

I geh jetzt nauf . . . vastand'n?

Huber

zieht ihn am Rockschöß zurück.

Da bleibst!

Es läutet dreimal.

Schanderl

reißt sich los.

Du! Gar so weit muaßt as net treib'n!
Eigentli hat meine Gemahlin recht . . . ordinär
bist d' scho!

Huber

plötzlich ernüchtert und ruhig

Ah! So red'st du daher? Jetzt kimmst raus
mit deina wahr'n Natur!

Schanderl

den es reut

Was brauchst d' mi denn du z'ruckreiß'n?

Huber

Ordinär sam ma? So . . . so? Er steht auf und geht an den Gewehrrahmen, setzt seinen Hut auf, nimmt Büchse und Rucksack. Weil ma si herbei laßt und will eahm helſa, is ma ordinär. Fünſa-zwanſ'g Jahr spuit er an Freind, und auf oamal is ma ordinär bei dem feina Herrn. Dös g'fällt ma . . .

Schanderl

Korbi, so is 's net g'moant . . .

Huber

kalt abweisend

Di kenn i . . . reſchpektive I h n e n kenn ich . . . I geh . . . und auß is . . .

Schanderl dringlich

Also, Korbi!

Huber eifig

Auß is! Er blickt in der Stube herum und frägt mit gemachter Höflichkeit. Klavier ham da gnä Herr keines hier?

Schanderl verständnislos

Han?

Huber

Damit die Gemahlin was vorſpuit. Nacha muuß s' halt fließend franſäſiſch red'n . . . Wünſch guate Untahaltung. Er geht und läßt die Türe offen.

Schanderl

Korbi . . . Ruft in den Gang hinaus Geh, alta
Schpezi, sei do g'scheit . . . Man hört draußen eine
Tür zuschlagen.

Schanderl unglücklich

Dös is mei grüabiga Abend.

Es läutet dreimal; dann ertönt eine kreischende, sehr laute
Frauenstimme: Fa—ver!

Schanderl

ruft freundlich

Glei! . . . Muckerl! Glei . . . fimm i . . . Maußi
Buzi! . . . Indem er sich nochmal umwendet und sich
am Kopf kratzt. D . . . Herr gott . . .!

Während er gebeugt abgeht, fällt der Vorhang.

Ludwig Thoma

Andreas Böst

Ein Bauernroman

Umschlagzeichnung von Prof. Ignatius Taschner

22. Tausend

Preis geheftet 3 Mark, gebunden 4,50 Mark
in Leder 6,50 Mark

Urteile der Presse

Leipziger Tageblatt: Nur selten, sehr selten geschieht es, daß wirklich ein bedeutendes Werk geschaffen wird, ein Werk, das uns den Glauben an die künstlerische Mission des modernen Epos wiedergibt. So manches Jahr vergeht, bevor eine solche Tat reift. Und wir dürfen unsere heutigen Erntetage als die bedeutungsvolle Zeit froher Erfüllung feiern. Ludwig Thoma war es, der uns ein grandioses Werk, ein wahres Epos schenkte und eine Gestalt schuf, die uns vielleicht jahrzehntelang unvergeßlich bleiben wird: seinen Andreas Böst.

Hamburger Fremdenblatt: Ludwig Thomas Kunst, das Bauerntum seiner Heimat zu schildern, steht in diesem neuen Roman auf der Höhe.

Verlag von Albert Langen, München

Ludwig Thoma
Der Wittiber
Ein Bauernroman

12. Tausend

Preis geheftet 4 Mark, gebunden 6 Mark
in Halbfranzband 7,50 Mark

Urteile der Presse

B. Z. am Mittag: . . . Diese Bauerngeschichte erfüllt auch positiv alle guten Hoffnungen, die entstehen, sobald durch Aug' und Ohr das Zeichen Ludwig Thoma auf uns wirkt. Durch die besondere Kunst des Humoristen lächelt dauernd aus dem tragischen Motiv so viel quellende Laune, daß wir bei aller menschlichen Teilnahme an den Gestalten und ihren Schicksalen, das Buch mit behaglichem Schmunkeln zu Ende lesen. Mit ein paar holzschnittartig fest konturierten Strichen steht die Hauptfigur des eigensinnigen, im Grunde gutartigen, dummpfiffigen Bauern da, der immer auf seinen Vorteil bedacht, fast stets gegen das eigenste Interesse handelt. Und all die Nebenfiguren: die Tochter Urschl, die Magd Genzi, der Sohn Lenz, der Knecht Haargirgl, alle prachtvoll gesehen im kleinsten Zuge, in den wesentlichen wie nebensächlichen Details der glänzenden Charakteristik, die die Naturen der unkomplizierten Bauernmenschen mit doch höchst differenten Strichen so individuell und so lebenswahr zu schildern vermag.

Neue freie Presse, Wien: Eine bäuerliche Schicksals-
tragödie in harter Albrecht Dürerscher Holzschnittmanier . . .
Es ist kein Salonbauerntum, mit dem Thoma tändelt, seinen
Romanen und Novellen aus dem ländlichen Milieu ist stets der
bleibende Wert zeitgenössischer Kulturbilder nachzurühmen.

Verlag von Albert Langen, München

Ludwig Thoma Lausbubengeschichten

Aus meiner Jugendzeit

Umschlagzeichnung von Th. Th. Heine

58. Tausend

Preis geheftet 3 Mark, gebunden 4,50 Mark

Jubiläumsausgabe, in der Ungerfraktur auf reines
Hadernpapier gedruckt, in Ganzleder gebunden
11 Mark

Berliner Börsen-Courier: Wer immanente, pointenlose Komik zu würdigen weiß, wird es mit herzlichem Lachen aus der Hand legen. Dereinst aber werden findige Kulturhistoriker an Ludwig Thoma's Erinnerungen lernen, wie es in Wahrheit einem Gymnasiasten zumute ist.

Berliner Zeitung: Gegenüber all dem verlogenen Zeug, das uns über Kinder und ihr Seelenleben berichtet wird, wirken diese Geschichten in ihrer absoluten ungeschminkten Treue überaus erfrischend und belustigend.

Vormwärts-Berlin: Das lustigste Buch, das mir seit Jahren in die Hände gekommen.

Verlag von Albert Langen, München

Ludwig Thoma

Sante Frieda

Neue Lausbubengeschichten

Mit vielen lustigen Bildern von Olaf Gulbransson

40. Tausend

Preis geheftet 4 Mark, gebunden 5,50 Mark

Rudolf Herzog in den „Berliner Neuesten Nachrichten“: Wer nur ein Quäntchen Sinn für die schlagende Wirkung trockenen Humors besitzt, der wird bei diesen Lausbubengeschichten, die im würstigsten Schulbubenton aufgetischt werden, aus den Zwerchfellerschütterungen nicht herauskommen. Ludwig Thoma, der allbekannte „Peter Schlemihl“ des „Simplizissimus“, hat die Maske des Lausbuben gewählt, um unverfrorener der geheimen Komik seiner Mitmenschen auf den Leib rücken zu können. Das Resultat ist überwältigend. Der Lausbub sticht uns den Star. Und plötzlich, ob wir wollen oder nicht, zwingt er uns, mit seinen Augen zu sehen, und nun entdecken wir an unseren lieben Mitmenschen ein solch gerüttelt und geschüttelt Maß von Eitelkeit, Dummheit, Eigennutz und Schminke, daß wir nicht mehr imstande sind, einen von ihnen hinfüro ernst zu nehmen, und in jede Würde oder Gespreiztheit mit knabenhaftem Jubelgeschmetter hineinlachen müssen. Das mag sehr pietätlos sein, aber es ist ausnehmend lustig. Und die Illustrationen, die Olaf Gulbransson dem Buche beigegeben hat, sind geradezu Photographien menschlicher Komik.

Verlag von Albert Langen, München

Werke von Ludwig Thoma

Der Wittiber, Bauernroman	12. Tausend
Andreas Böst, Bauernroman	24. Tausend
Lausbubengeschichten	58. Tausend
Tante Frieda, Neue Lausbubengeschichten	40. Tausend
Kleinstadtgeschichten	24. Tausend
Briefwechsel eines bayrischen Landtags- abgeordneten	42. Tausend
Josef Filser's Briefwechsel. 2. Buch	20. Tausend
Nachbarsleute, Erzählungen	12. Tausend
Das Kälbchen, Novellen	25. Tausend
Ugriicola, Bauerngeschichten	13. Tausend
Der heilige Hies, Bauerngeschichte	7. Tausend
Hochzeit, Bauerngeschichte	16. Tausend
Assessor Karlchen, Humoresken	32. Tausend
Das Aquarium, Humoresken	10. Tausend
Die Wilberer, Bauerngeschichte	8. Tausend
Die Sippe, Schauspiel	3. Tausend
Magdalena, Volksstück	7. Tausend
Moral, Komödie	15. Tausend
Die Medaille, Komödie	11. Tausend
Die Lokalbahn, Komödie	8. Tausend
Erster Klasse, Bauernschwank	14. Tausend
Lottchens Geburtstag, Lustspiel	7. Tausend
Das Säuglingsheim, Burleske	5. Tausend
Der erste August, Zwei Einakter	10. Tausend
Brautschau, Drei Einakter	5. Tausend
„Peter Schlemihl“, Gedichte	3. Tausend
Moritäten, Lustige Verse	7. Tausend
Grobheiten, Simplicissimus-Gedichte	15. Tausend
Neue Grobheiten, Simplicissimus-Gedichte	12. Tausend
Kirchweih, Simplicissimus-Gedichte	5. Tausend
Heilige Nacht, Weihnachtslegende	Neuigkeit 1916

Verlag von Albert Langen, München

Druck von Hesse & Becker in Leipzig.

AB

1. A

0 - 1

0 - 1

